

Cumegn Albula/Alvra

Procedura d'approvaziun dals plans per installaziuns a current ferm

Exposiziun publica dals plans

Project nr. L-0087154.10

Conduct da 380 kV Pradella-Seglias e conduct da 380 kV Filisur-Seglias (Schin)
Il traject dal trassé Filisur – Seglias è ina part dal trassé 1360 La Punt – Filisur – Seglias, ch'è vegnì mess en funcziun l'onn 1968 e che sto ussa vegnir sanà en moda cumplessiva. Il project qua avant maun cumpiglia il traject Filisur fin Seglias cun 57 pitgas e cun ina lunghezza dal conduct da ca. 18,5 km. Las mesiras da sanaziun detagliadas vegnan descrittas en il rapport tecnic.

A l'inspecturat federal d'installaziuns a current ferm è vegnida inoltrada la dumonda d'approvaziun dals plans ch'è menziunada qua survant.

Dumonda da: Swissgrid AG, Bleichemattstrasse 31, 5000 Aarau

Exposiziun publica:

Ils documents da dumonda vegnan exponids publicamain dals 3 da fanadur 2025 fin ils 18 d'avust 2025 en las administraziuns communalas respectivas u pon vegnir consultads en furma electronica sin: <https://esti-consultation.ch/pub/5639/e68c2bdc20>. Relevants èn mo ils documents ch'èn exponids en la vischnanca menziunada qua survant.

La dumonda suttamessa cumpiglia las suandantas dumondas per autorizaziun(s) excepziunala(s) / permissiun(s) excepziunala(s):

- Permissiun excepziunala per edifizis e stabiliments ordaifer la zona da construcziun en il senn da l'art. 24 ss. da la Lescha federala davart la planisaziun dal territori (LPT; CS 700)
- Permissiun da runcar en il senn da l'art. 5 al. 2 da la Lescha federala davart il guaud (LG; CS 921.0)

L'exposiziun publica chaschuna in scumond d'expropriaziun tenor ils artitgels 42 fin 44 da la Lescha federala d'expropriaziun (LExpr; CS 711). Sche l'expropriaziun tanghescha contracts da locaziun e da fittanza che n'èn betg prenotads en il register funsil, ston las locaturas ed ils locaturs communitgar quai a lur locatarias e locataris resp. las affittadras ed ils affittaders a lur fittadinas e fittadins immediatamain suenter ch'ellas ed els han survegnì l'avis persunal. Plinavant ston ellas ed els infurmar l'exproprianta davart talas relaziuns da locaziun e da fittanza (art. 32 al. 1 LExpr).

Protestas:

Tgi ch'è partida tenor las prescripziuns da la Lescha federala davart la procedura administrativa (LFPA; CS 172.021), po far protesta durant il termin d'exposiziun tar l'Inspecturat federal d'installaziuns a current ferm, Projects, Luppmenstrasse 1, 8320 Fehraltorf.

Questa protesta po vegnir inoltrada u en scrit u sin via electronica. En quest ultim cas sto la protesta ademplir las directives davart las inoltraziuns electronicas e sto tranter auter cuntegnair ina suttascripziun electronica qualifitgada (cf. art. 5 fin 7 da l'Ordinaziun davart la communicaziun electronica entaifer ina procedura administrativa [CS 172.021.2]). Tgi che na fa betg protesta entaifer il termin, è exclus da l'ulteriura procedura.

Tgi ch'è partida tenor las prescripziuns da la LExpr, po far valair durant il termin d'exposiziun tut las dumondas tenor l'artitgel 33 LExpr. Quai èn principalmain:

- a. protestas cunter l'expropriaziun;
- b. dumondas tenor ils artitgels 7–10 LExpr;
- c. dumonda d'ina prestaziun en natiralias (art. 18 LExpr);
- d. dumonda d'ina extensiun da l'expropriaziun (art. 12 LExpr);
- e. l'indemnisaziun d'expropriaziun dumandada.

Obligads d'annunziar pretensiuns entaifer il termin da protesta èn er las locatarias ed ils locataris, las fittadinas ed ils fittadins sco er las possessuras ed ils possessurs dals dretgs da servitut e las credituras ed ils crediturs cun dretgs persunals prenotads. Ils dretgs da pegn e las chargias funsilas che garanteschon per in bain immobigliar che duai vegnir exproprià, na ston betg vegnir annunziads, ils dretgs da giudida mo, sch'i vegn pretendì ch'i resultia in donn pervia da la retratga da l'object da giudida.

Inspektorat federal d'installaziuns a current ferm
Projects
Luppenstrasse 1
8320 Fehraltorf

*Uffizi d'energia e da traffic dal Grischun
Partiziun per la producziun ed il provediment d'energia*